

四庫全書

集部

欽定四庫全書

宋詩抄卷七十五

內閣中書舍人吳之振編

楊萬里朝天集鈔

仲冬詔追造朝供尚書郎職舟行阻風清泥

江神風伯戰方酣  
北浪吹翻總向南  
未放人扶下江柁  
却教眼看上江帆

暮泊鼠山聞明朝有石塘之險

下水船逢上水船夕陽仍更澁沙灘雁來野鴨却驚起  
我與舟人俱仰看回望雲邊山已遠如何蓬底暮猶寒  
今朝莫說明朝路萬石堆心一急湍

二月望日遞宿南宮和尤延之左司郎署疎竹之  
韻

此君見我眼猶青笑我銀鬕雪點成憶昔與君同舍日  
感渠將雨作秋聲夜來遞宿三更悄葉底春寒一倍生  
夢入故園數新筍籬邊破蘚幾莖橫

七字謝紹興帥丘宗卿惠楊梅

越絕諸楊盛一時與儂瓜葛不曾知老夫自笑吾衰矣  
此客何從夢見之也解過江尋德祖政緣作尹是丘遲  
渠伊不是南村派未分先驅事荔枝

謝胡子遠郎中惠蒲大韶墨報以龍涎心字香

墨家者流老蒲仙碧梧採花和麝煙華陽黑水煎膠漆  
大陰玄霜作肌骨龍尾磨飢飲鼠鬚落點髹几几不如  
夷甫清瞳光敵日一見墨卿驚自失後來夔州有梁杲

爾來黔川有吳老亦追時好得時名竟為蒲生豎降旌  
吳墨往往玄尚白梁墨濕濕藕黏壁南宮先生來自西  
惠然贈我四玄圭我無鵲返鸞回字我無金章玉句子  
得君此贈端何似兀者得韓僧得髭安得玉案雙鳴璫  
金刀繡段底物償送以龍涎心字香為君興雲繞明窓  
李聖俞郎中求吾家江西黃雀醪法戲作醪經遣  
之

江夏無雙小道士一丘一壑長避世裁雲縫霧作羽衣

蘆花柳綿當裘袂身騎鴻鵠太液池脚踏金臺攀桂枝  
渴飲南陽菊潭水飢啄藍田粟玉芝今年天田秋大熟  
紫皇遣刈神倉穀一雙鳬雁墮雲羅夜隨戈人卧茅屋  
賣身不直程將軍却與彭越俱策勲解衣戲入玉壺底  
壺中別是一乾坤水精鹽山兩岐麥身在椒蘭衆香國  
玉條脫下澡凝脂金巨羅中酌瓊液平生學仙不學禪  
剗心洗髓糟牀邊諸公俎豆驚四筵猶得留侯借箸前  
昔為飛仙今酒仙更入太史滑稽篇

德壽宮慶壽口號

淳熙丙午元日聖上詣東朝慶壽八秩積陰頓晴飛  
雪弄日聖孝昭格萬姓呼舞擬作口號

長樂宮前望翠華玉皇來賀太皇家青天白日仍飛雪  
錯認東風轉柳花

春色何須羯鼓催君王元日領春回牡丹芍藥薔薇朵  
都向千官帽上開

雙金獅子四金龍噴出香雲繞殿中太上垂衣今上拜

百王曾有箇家風

天父晨興未出房  
君王忍冷立風廊  
忽然鳴蹕珠簾捲  
萬歲聲傳震八荒

甲戌王春試集英  
小臣曾是老門生  
蒼顏華髮班行裏  
也聽鈞天九奏聲

題曹仲本出示譙國公迎請太后圖自肅天仗以下皆紀畫也

德壽宮前春晝長  
宮內花開宮外香  
太皇頤神玉霄上



都人久不瞻清光  
今晨忽見肅天仗  
翠華黃屋從天降  
一聲清蹕萬人看  
天街冰銷樓雪殘  
北來又有一紅繖  
八鸞三駢金轂端  
輦中似是瑤池母  
鳳鳥霞裳剪雲霧  
太皇望見天開顏  
萬國春風百花舞  
乃是慈寧太母回  
鸞圖母子如初  
千古無朔雲邊雪  
旗脚濕御柳宮梅  
寒影疎向來慈寧  
隔沙漠倩雁傳書  
雁難託迎還馳馭  
彼何人魏武子孫  
曹將軍將軍元是一  
縫掖忽攘兩臂挽  
五石長揖邊廷如  
小兒奉歸慈輦如  
折枝功蓋天下只

戲劇笑隨赤松蠟雙屐飄然南山之南北山之北君不  
見岳飛功成不抽身却遣秦家丞相嗔

正月二十四日夜朱師古少卿招飲小樓看燈

先射琉璃貫水精玉虹垂地照天明風流誰似朱夫子  
解放元宵過後燈

南北高峰醒醉眸市喧都寂似巖幽君言去歲西湖雨  
城外荷聲到此樓

和章德茂少卿拉館學之士四人訪王德修提幹

之作

西王南金價則同帝城相對落花風人如天上朱星聚  
談到尊中竹葉空白紵烏紗青寶玦紫鸞黃鵠碧梧桐  
千齡此遇還孤往恨殺燈前欠老翁

送何一之右司出守平江

十年一別再重遊又見魚書拜徵侯人物只今何水部風流  
不減韋蘇州白蘋洲上春傳語烏鵲橋草喚愁報政不應  
遲五月鶯花紫禁岸歸舟

招陳益之李兼濟二主管小酌益之指蠶豆云未  
有賦者戲作七言蓋豌豆也吳人謂之蠶豆云  
翠莢中排淺碧珠甘欺崖蜜軟欺酥沙瓶新熟西湖水  
漆搗分嘗曉露腴味與櫻梅三益友名因蠶繭一絲絢  
老夫稼圃方雙學譜入詩中當稼書

初夏清曉赴東宮講堂行經和寧門外賞花市  
剝雨殘風一向顛花枝酒琰兩無緣忽逢野老從湖上  
擔取名園到內前芍藥截留春去路鹿蔥趕上夏初天

金史卷之八十五  
卷之八十五  
衆紅半霎聊經眼不枉皇州第二年

蚤謁景霽靈宮聞子規

帝里都無箇裏寬苑深地禁到應難蔚然綠樹去天近  
上有子規啼月殘便覺恍如還故里不知聞處是長安  
野薔薇發桐花落孤負南溪老釣竿

以六一泉煮雙井茶

鷹爪新茶蟹眼湯松風鳴雪兔毫霜細叅六一泉中味  
故有涪翁句子香日鑄建溪當退舍落霞秋水夢還鄉

何時歸上滕王閣自看風爐自煮嘗

西府直舍盆池種蓮

飛空天鏡墮莓苔玉井移蓮旋旋栽坐看一花隨手長  
挨開半葉出頭來稍添菱荇相縈帶便有龜魚數往回  
剩欲遶池三兩匝數聲排馬苦相催

西府寒泉汲十尋深澆淺灑碧森森高花已照紅粧鏡  
小荅新抽紫玉簪鈿破尚餘新雨恨織疎纔作半池陰  
西湖瘦得如盆大更伴詩人恐不禁

陳蹇叔郎中出闔漕別送新茶李聖俞郎中出手

分似

頭綱別樣建溪春小璧蒼龍浪得名細瀉谷簾珠顆露  
打成寒食杏花餠鷓鴣斑椀面雲縈字兔褐甌心雪作泓  
不待清風生兩腋清風先向舌端生

跋尤延之左司所藏先堯御書歌

光堯太上皇帝御書西漢書列傳目上有璽文曰帝  
錄臣裒得之以示臣萬里謹拜手稽首作歌敬書於

後

鸞臺長史老野僧月前病鶴霜後蠅文書海裏衮不了  
黑花亂發雙眼睛故人同舍尤太史敲門未揖心先喜  
袖中傾下十斛珠五色光芒射牕几自言天風來帝旁  
拾得復古殿中雲一張向來太上坐朝罷勝日光風花  
柳暇浣花叢裏冰雪容宣城鷄距針芒鋒天顏有喜聊  
小試西京書目供遊戲韓彭衛霍欣挂名舒向卿雲感  
書字漢廷多少失意人九京寸恨不作塵一朝翻入聖



筆底昭回之光  
喚渠起小臣  
濫巾縫掖行  
手抄孝經不  
徹章何曾下筆  
寫史漢再拜  
恭覽汗透裳  
太史結廬伴  
鷗鷺錫山山下  
荆溪渡紅光  
紫炁燭天衢  
箇是深藏寶  
書處

送張定叟

紫巖衣鉢付南軒  
介弟曾同半夜傳  
師友別來真夢耳  
江湖相對各潛然  
但令門戶無遺恨  
何必功名在早年  
君向瀟湘我閩粵  
寄書只在寄茶前

時予方上  
章乞闕漕

行路難

君不見河陽花今如泥土昔如霞君不見武昌柳春作  
金絲秋作帚人生馬耳射東風柳色桃花却長久秦時  
東陵千戶侯華蟲被體腰蒼璆漢初沛邑刀筆吏折腰  
如磬頭槍地蕭相厥初謁邵平中庭百拜百不磨邵平  
後來謁蕭相故侯一拜一惆悵萬事反覆何所無二子  
豈是大丈夫窮通流坎皆偶爾搏扶未必賢搶榆華胥  
別是一天地醉鄉何曾有生死儂欲與君歸去來千愁

萬恨付一杯

冬至節後賀皇太子及平陽郡主

長樂鐘聲遠夢驚  
建章新影照人行  
千官燈語聽殘點  
一夜霜寒在五更  
金鑰玉笈開北闕  
銀鞍絲控謁東明  
青宮朱邸環天極  
五色祥雲覆帝城

跋張功父通判直閣所惠約齋詩乙藁

句裏勤分似燈前得  
細嘗孤芳後山種  
一瓣放翁香苦處  
霜爭澀臘來鶴較強  
不應窮活計公子也忙忙

送趙氏則少監提舉

座主門生四十年江湖契濶幾風煙同朝再接鴛行裏  
握手相看鶴髮前誤喜論詩追舊事不知呼酒是離筵  
老懷只作還山夢輸與先生早著鞭

上巳同沈虞卿尤延之王順伯林景思游春湖上  
隨和韻得絕句呈之同社

鵲袍林裏過芳辰聞道春來不識春及至識春春已老  
於中更老是詩人

總宜亭子小如拳，著得西湖不見痕。  
湖上軒窗無不好，何須抵死揀名園。

天色鬢鬆未肯收，吾儕自樂不曾愁。  
隨宜旋旋商量著，晴即行行雨即休。

籃輿休上馬，休騎溼却青鞋也。  
不辭揀取雨絲疎處去，攜筇且謁水仙祠。

雨催杖履却須回，捲上疎簾眼頓開。  
十里湖光平似鏡，柳梢梢上一船來。

岸上湖中各自奇  
山觴水酌兩皆宜  
只言游舫渾如畫  
身在畫中元不知

景靈宮聞子規

今年未有子規聲  
忽向宮中樹上鳴  
告訴落花春不管  
裴回曉月恨難平  
斜風細雨又三日  
柳絮浮雲空一生  
豈不懷歸歸未得  
倩渠傳語故園鶯

趙達明太社回于四月一日招游西湖

畫舫侵晨繫柳枝  
主人生怕客來遲  
嬌雲嫩日無風色

幸是湖船好放時

御池水滿苑門開  
泥帶飛花路帶苔  
到得孤山翻作惡  
海棠開日不曾來

走筆送濟翁胞弟特往浙東謁拜丘宗卿

若見丘遲問老夫  
為言矐似向來矐  
更將雙眼寄吾弟  
帶去稽山看鑑湖

題水月寺寒秀軒

古寺深門一徑斜  
繞身縈面總烟霞  
低低簷入低低樹

小小盆成小小花  
經藏中間看佛畫  
竹林外面是人家  
山僧笑道知儂渴  
其實迎賓例瀹茶

題劉寺僧房

曾醉山間金叵羅  
山應識我我懷它  
頗添花竹明松檜  
依舊菰蒲暗芰荷  
試問錦屏無恙否  
向來梅樹已無多  
未須看遍新亭榭  
勝日重來一一過

送林子方直閣秘書將漕閩部

梅花園裏荔枝村  
頗記張燈作上元  
一別頻蒙訪生死



七年再見叙寒溫屬當閔雨祈羣望不得臨風共一尊  
誰為君王留國士吾衰猶擬叫天閣

亦聞小泊贊公房清曉扶藜叩上方君與一僧游別嶂  
我行百匝造長廊風巾霧屨來雲外雪檜霜松滿袖香  
政是炎官張火傘不應多取海山涼

木樨初發呈張功甫

塵世何曾識桂林花仙夜入廣寒深移將天上衆香國  
寄在梢頭一束金露下風高月當戶夢回酒醒客聞砧

詩情惱得渾無賴不為龍涎與水沉

又和

老子江西有故林萬松園裏桂花深憶曾風露飄寒粟  
自領兒童拾落金割蜜旋將揉作餅擣香須記不經砧  
一枝未覺秋光減燈影相看萬籟沉

題徐衡仲西窗詩編

江東詩老有徐郎語帶江西句子香秋月春花入牙頰  
松風澗水出肝腸居仁身鉢新分似吉甫波瀾并取將

嶺表舊遊君記否荔枝林裏折枕柳

題吳夢與古樂府

金麥寨帷銀蒜鉤水光殿後月華樓  
鶯歌花笑柳起舞何處人間更有愁  
吳郎那得吳宮語夢裏苧蘿人道許  
低紅揜翠曲未終小兒索飯啼門東

買菊

老夫山居花繞屋南齋杏花北齋菊  
青春二月杏花開抱瓶醉卧錦繡堆  
涼秋九月菊花發自折寒枝插華髮

湘纍落英曾幾何陶令東鄰未是多吾家滿山種秋色  
黃金為地香為國就中更有一丈黃霜葩月蒞耿出墻  
飲徒無酒尋不得尋得一身花露香如今小寓咸陽寺  
有口何曾問花事百錢擔上買一株聊伴詩人發幽意  
再和謝朱叔正機宜投贈獎及南海集之句

重陽風雨不全篇春草池塘豈滿編好句誰言較多少  
古人信手斲方圓自慚下下中中語祇合休休莫莫傳  
珍重銀鈎插玉唾竟無瑤報只空然

和張功甫夢歸南湖

一生兩事苦相關從仕居貧併作難  
顧我雪穿行脚襪羨君身作在家官  
曉分京兆月半壁夕問南湖水幾竿  
桃李能言春滿座向人猶自訴霜寒

張功父請祠甚力簡以長句

老夫不及朱師古納却太常少卿得潼府  
老夫不及張約齋乞得華州仙觀名雲臺  
金印如斗牀滿笏富貴何曾膏白骨  
一世窮忙為阿誰終日逢人皺兩眉  
賣身長

鬚仍赤脚忍向墻間乞東郭添丁德曜喜欲顛孤竹一  
簞真箇錯張君有宅復有田朱君歸去無一錢老夫老  
矣不歸去五柳先生應笑汝

利州路提刑秘書張李長送洮研發視乃一段柏  
木也作詩謝之

繡衣使者凜霜威方丈仙人舊羽儀別去十年真一夢  
涵來萬里寄相思如何綠石涵風面化作青銅溜雨枝  
却送新詩報嘉惠偷兒當不要新詩

送德輪行者

瀝血抄經奈若何十年依舊一頭陀  
袈裟未著愁多事著了袈裟事更多

題畢少董繙經圖

畢數文少董名良史紹興初陷敵境居汴閉戶著春秋  
正辭論語探古書有宋哲夫李願良輩執經師之  
好事者寫為繙經圖宋執一卷背立且讀且指李執  
一卷向其師若有問者而少董坐一榻上後有二女

奴各有所執而阿冬者坐其間少董之季子也女奴之髻者曰孫壽冠者曰馬惠真哲夫名成願良名師

魏云

宋生把卷讀且指李生把卷問奇字榻上坐着一老子右手秉筆袒左臂春秋論語訓傳成習中有話頗欲告兩生欲呼小白拉重耳同黜僭王尊帝京婢妾不解事兩生未可語冬郎政兒癡誰能復憐許繡經未了報歸期攜書歸來獻玉墀塵沙滿面無人識回首兩生斗南



北

戊申元日立春題道山堂前梅花

今年元日不孤來，帶領新春一併回。  
夜雨初添石渠水，東風先入道山梅。  
不妨數朶且微破，未要十分都放開。  
江路野香原自好，阿誰攜取種蓬萊。

龍山送客

念念還鄉未得還，偶因送客到龍山。  
分明認得西歸路，只是回車却入關。

跋王順伯所藏歐公集古錄序真蹟

遂初欣遇兩詩伯臨川先生一禪客三人情好元不疎  
祇是相逢逢不得渠有正觀碑儂有永和詞真贗爭到  
底未說妍與媸珊瑚擊得如粉碎趙璧博城翻手悔不  
似三家關斷碑夜戰半酣莫先退皇朝愛碑首歐陽集  
古萬卷六一堂玄圭添玉堆墨寶點霜黑水塗緇裳臨  
川無端汲古手席卷歐家都奄有岫山科斗不要論嶧  
山野火不經焚尤家沈家咏如鐵未放臨川第一勲不

知臨川何許得尤物集古序篇出真筆遂初心妒口不  
言君看跋尾猶悵然

遂初欣遇尤延之沈虞卿自號也  
二公與順伯皆喜收碑刻各自誇

尚

### 和張功父梅詩

今歲柴車總未巾孤山龍井不曾行老無半點看花意  
遮莫明朝雨及晴

約齋句子已清圓更賦梅花分外妍不飲銷金傳玉手  
却來嚙雪聳詩肩

要與梅花巧鬪新恨無詩句敵黃陳約齋詩好人仍好  
不怕梅花賽却人

夢種菜

予三月一日之夜夢遊故園課僕夫種菜若秋冬之  
交者尚有菊也夢中得菜子菊花一聯覺而足之

背秋新理小園荒過雨畦丁破塊忙菜子已抽蝴蝶翅  
菊花猶著鬱金裳從教蘆葦專車大早覺蔓青撲鼻香  
宿酒未消羹糝熟折醒不用枯為漿

春雨呈袁起巖

昨日晴暄盡十分無端寒濕復今晨蒼顏華髮差排老  
急雨顛風屏當春只有觀書堪遣日從來病眼不如人  
詩名滿世真何用更賺先生願卜鄰

謝張功父送牡丹

病眼看詩痛不勝落花千朵喚雙明淺紅醖紫各新樣  
雪白鵝黃非舊名擡舉精神微雨過留連消息嫩寒生  
蠟封水養松窗底未似珊瑚欄倚半醒

三衢登舟午睡

午思昏昏不肯醒倦投竹枕睡難成  
曉然有夢疑非夢聽得人聲及水聲

曉泊蘭溪

金華山高九天半夜雪裝成珠玉案  
蘭溪水頃千頃強朔風凍作琉璃缸  
日光雪光兩相射病眼看來忘南北  
恨身不如波上鷗脚指為楫身為舟  
恨身不如沙上雁蘆花作家梅作伴  
折綿冰酒未是寒曉寒真欲冰我肝

急閉窮蓬擁爐去竹葉梨花十分注

蘭溪解舟

只愁灘淺閣行舟到得江深又不流水鳥避人飛不徹  
看他沒去看他浮

和陳蹇叔郎中乙巳上元晴和

御柳梢頭晚不風官梅面上雪都融如何闔闔新春夜  
頗有芙蓉滿眼紅十里沙河人最鬧三千世界月方中  
買燈莫費東坡紙今歲鰲山不入宮

十四日晚有旨  
徹禁中山棚

春寒早朝

十載江湖今又歸，朝雞不許夙興遲。  
每聞撲鹿初鳴處，只是鬆鬟好睡時。  
病眼生憎紅蠟燭，曉光來到碧桃枝。  
誰能馬上追前夢，坐待金門放玉笏。

沈虞卿秘監招遊西湖

蘇公堤遠柳生煙，和靖園深竹映闌。  
舩入芰荷香處去，人從雲水國中還。  
似寒如暖清和在，欲雨翻晴頃刻間。  
能為蓬萊老仙伯，一杯痛快吸湖山。



送鄉僧德璘監寺緣化結夏歸天童山

七百支郎夜忍飢  
木魚閉口等君歸  
還山大衆空歡喜  
只有誠齋兩首詩

答提點綱馬驛丞劉修武

翰

解道征鴻數字秋  
清於雪碗映冰甌  
老來筆底心無毒  
交割風光與子休

賀皇太子九月四日生辰

繼照姿天縱  
分陰學日勤  
橘中招綺夏  
瓜處屏任文老

別魚竿月來依鶴禁雲還將古為鑑聊當野人芹

和同年李子西通判

走馬看花拂綠楊曲江同賞牡丹香向來年少今俱老  
君拜監州我作郎北闕小遲蒼玉佩南征聊製芰荷裳  
病身只作家山夢徑菊詩葩兩就荒

九日即事呈尤延之

昨日茱萸未苦香今朝籬菊頓然黃浮英泛蕊多多著  
舊酒新醅細細嘗節裏且追千載事髻邊管得幾莖霜

正冠落帽都兒態自笑狂夫老不狂

和周元吉左司夢歸之韻

半似清狂半白癡不須人笑我心知煙霞平日真成癖  
山水中年却語離錯計浪隨雲出岫感君能遣雨催詩  
居然喚起還家夢橘刺藤梢隔槿籬

送劉孔章縣尉得官西歸

早宴黃花詣粉闥晚搔春草染朝衣却提猛士弓彎月  
去埽封狐雪打圍綠髻朱顏君勝我青春白日我思歸

何時共淪青原茗下看江鷗來飛去

雲龍歌調陸務觀

墨池揚子雲雲間陸士龍天憎二子巧言語只遣相別  
無相逢長安市上忽再值向來一別三千歲王母桃花  
落幾番北斗柄爛銀河乾雙髻成絲絲似雪兩翁對面  
面如丹借問別來各何向渭水東流我西上金印斗大  
直幾錢錦囊山齊今幾篇詩家不愁吟不徹只愁天地  
無風月君不見漢家平津侯東閣冠蓋如雲浮又不見

當時大將軍公卿推拜如星奔抵今雲散星亦散也無  
鹿登臺樹羊登墳何時與君上廬阜都將硯水供瀑布  
磨鑪更斫扶桑樹擣皮作紙裁煙霧雲錦天機織詩句  
孤山海棠今已開上已未有遊人來與君火急到一回  
一杯一杯復一杯管他玉山頽不頽詩名於我何有哉  
再和雲龍歌留陸務觀西湖小集且督戰云

我願身為雲東野化為龍龍會入淵雲入岫韓子却要  
長相逢作意相尋偏不值不知今年是何歲剗藤土板

贈一番廷珪烏丸曬未乾乃是故人陸浚儀詩骨點化  
黃金丹謂宜天祿貯劉向不然亦合雲臺上却令去索  
催租錢枉却清風明月三千篇夜裝明發走不徹半篙  
刺碎嚴灘月老夫不願萬戶侯但願與君酒船萬斛同  
拍浮老夫不怯故將軍但怯與君筆陣千里相追奔少  
陵浣花舊時屋太白青山何處墳二仙死可埋丘阜二  
仙生可著韋布名挂廣寒宮裏樹非煙非雲亦非霧長  
使玉皇掉頭誦渠句詩府誰得玉笈開詩壇誰授黃鉞

來留君不住君急回不道西出陽關無此杯西山金盃  
儘渠頽斯游明月方懷哉

寒食雨中同舍人約遊天竺得十六絕句呈陸務

觀

遊山不合作前期便被山靈聖得知只等五更傾一雨

三更猶是月明時

筇輿衝雨復衝泥一徑深深只覺遲孤塢忽從雲外出

寺門漸近報僮知

住山何敢望他僧只是遊山也不曾可惜一條杉檜路  
都将濕了不教行

破雨遊山也莫嫌却緣山色雨中添人家屋裏生松樹  
穿出茅簷却覆簷

小溪曲曲亂山中嫩水濺濺一線通兩岸桃花總無力  
斜紅相倚卧春風

老檜如幢翠接連山茶作塼綠縈山僧相識潭相忘  
不到山中十五年



三峰小石一方池下有機泉仰面飛坐看跳珠復拋玉  
忽然一噴與簷齊

清遠溪中小閘頭遮攔溪水不教流山僧為我放一板  
濺雪奔雷怒未休

城裏哦詩枉斷髭山中物物是詩題欲將數句了天竺  
天竺前頭更有詩

忽撚金絲嫋綺疏又驚寒食到來初不知折盡西湖柳  
插遍長安萬戶無

禪房寂寂水潺潺  
澗草巖花點綴間  
忽有仙禽發奇響  
頻伽來自補陀山

雨裏匆匆怨出郊  
晴時不出却誰教  
西湖北畔名園後  
無數桃花只見梢

戶戶遊春不放春  
只愁春去不愁貧  
今朝道是游人少  
處處園亭處處人

若道尋春被雨催  
如何隨處兩三杯  
晚晴曉雨如翻手  
有底虧儂不好來

萬頃湖光一片春何須割破損天真却將葑草分疆界  
葑外垂楊屬別人

轆頂花枝儘開裝遊人未暮已心忙無端更被千株柳  
展取蘇堤分外長

跋陸務觀劔南詩藁二首

今代詩人後陸雲天將詩本借詩人重尋子美行程舊  
盡拾靈均怨句新鬼嘯猿啼巴峽雨花紅玉白劔南春  
錦囊繙罷清風起吹仄西窗月半輪

劍外歸來使者車  
淞東新得左魚符  
可憐霜鬢何人問  
焉用詩名絕世無  
雕得心肝百雜碎  
依前塗轍九盤紆  
少陵生在窮如蝨  
千載詩人拜蹇驢

新晴讀樊川詩

江妃瑟裏芰荷風  
淨埽癡雲展碧穹  
嫩熱便嗔疎小扇  
斜陽酷愛弄飛蟲  
九千刻裏春長雨  
萬點紅邊花又空  
不是樊川珠玉句  
日長淡殺箇衰翁

駕幸聚景晚歸有旨次日啟泊

身在長安夢故山故山未去且長安落紅滿地莫教掃  
新綠隔牆聊借看竹葉勸人行樂事榴花為我遣春寒  
賜休又得明朝睡不問三竿與兩竿

都下食筍自十一月至四月戲題

竹祖龍孫渭上居供饌搏俎半年餘斑衣戲綵春無價  
玉版談禪佛不如若怨平生食無肉何如陋巷飯斯蔬  
不須庾韭元修菜喫到憎時始憶渠

酴醾

以酒為名却謗他  
冰為肌骨月為家  
借令落盡仍香雪  
且道開時是底花  
白玉梢頭千點韻  
綠雲堆裏一枝斜  
休休莫斷西莊柳  
放上松梢分外佳

南海陶令曾送水沈報以雙井茶二首

嶺外書來謝故人  
梅花不寄寄爐熏  
辦香急試博山火  
兩袖忽生南海雲  
苒惹鬚眉清入骨  
縈盈窗几巧成文  
瓊琚作報那能辦  
雙井春風轍一斤

沈水占城第一良  
占城上岸更差強  
黑藏骨節龍筋瘠

班出文章鷗翼張  
滾盡殘膏添猛火  
熬成熟水趁新湯  
素馨熏染真何益  
畢竟輸他本分香

幼圃

蒲橋寓居庭有刻方石而實以土者  
小孫子藝花窠  
菜本其中戲名幼圃

寓舍中庭劣半弓  
驚泥為圃石為墉  
瑞香萱草一兩本  
蔥葉薤苗三四叢  
穉子落成小金谷  
蝸牛卜築別珠宮  
也思日涉隨兒戲  
一逕惟看蟻得通

送周元吉顯謨左司將漕湖北

君詩日日說歸休，忽解西風一葉舟。  
黃鶴樓前作重九，水精宮裏過中秋。  
職親六閣仍金馬，喜入千屯看木牛。  
繡斧光華誰不羨，一賢去國欠人留。

又見周郎攜小喬，武昌赤壁醉嬌饒。  
蜀江雪水來三峽，吳苑風煙訪六朝。  
秋月春花出肝肺，新詞麗曲入笙簫。  
歸來却待金鑾殿，好看霜毫映珥貂。

彼此江湖漫浪翁，相逢遮宿省西東。  
兩窮握手論詩後，



一笑投膠入漆中  
臨水登山公別我  
青鞋布襪我從公  
貂裘已博江西艇  
只待黃花半席風

送王季德提刑寶文少卿

寶儲依舊接吳游  
璽節何曾遠藻旒  
卿月使星銀漢曉  
繡衣綵服太湖秋  
豺當道上狐何問  
鷹擊霜前兔已愁  
火急平反供一笑  
紫荷玉筍待君侯

贈都下寫真葉德明

我昔山林人不識  
或疑謫仙或狂客  
仰看青天不看人

醉裏那知眼白青一攜破硯入長安素衣成緇綠鬢班  
上林麒麟著野馬滄海鷗鷺綴孔鸞漢宮威儀既不入  
貴人樣灞橋風雪又不見詩人相不須覽鏡照清溪我  
亦自憎塵俗狀葉君著眼秋月明葉君下筆秋風生市  
人請畫即唾罵只寫龍章鳳姿公與卿肯來為予寫衰  
貌擲筆掉頭欣入妙相逢可惜遲十年不見詩翁昔年  
少

送孫檢正德操龍圖出知鎮江

看花走馬紹興間彼此春風各少年黃甲諸儒今幾許  
白頭回舍省東偏昨宵歸夢月千里餘債欠君詩兩篇  
已乞闕山一窠闕老身只要早歸田

食雞頭子

三危瑞露凍成珠九轉丹砂鍊久如鼻觀溫芳炊桂歇  
齒根熟軟剥胎餘半甌鷹爪中秋近一炷龍涎丈室虛  
却憶吾廬野塘味滿山柿葉正堪書

新寒戲簡尤延之檢正

逗晚添衣併數重  
隔脯剩熱尚斜紅  
秋生露竹風荷外  
寒到雲窻霧閣中  
半點暄涼能幾許  
古來豪傑總成空  
木犀香殺張園了  
雪臭金梭欠兩翁

跋姜春坊梅山詩集

松風澗水打窻聲  
玉珮瓊琚觸眼明  
當畫如何挂秋月  
未春特地轉新鶯  
只銷一卷梅山集  
幻出多般景物情  
老子平生有詩癖  
為君焚却老陶泓

秋雨蚤作有歎

細雨簷無質安得更更有聲如何却作泥亦能妨晨征宿  
昔忽過暄心知非堅晴何須暄晴極然後寒雨生寒生  
使人覺妙物亦何曾翦翦自神妙無乃與物終造物本  
非作觀者或強名老夫近稍聾此事無暇聽平生感秋  
至此意令已平獨念老病身頗不耐夙興何時歸故園  
晏眠閉柴荆鳴雞亦不留好夢無吾驚他年憶此時惆  
如宿酒醒思歸已可喜而况真歸耕

寄題曾子與競秀亭

老夫上下蓼花灘每過君家輒繫船  
尊酒燈前山入座  
孤鴻月底水連天  
暄涼書問二千里  
場屋聲名三十年  
競秀主人文似豹  
不應霧隱萬峰邊

赴文德殿聽麻仍拜表

蒼龍觀闕啓槐宸  
白玉階除振鷺羣  
仗外諸峰獻松雪  
霜前一雁度宮雲  
舍人就日宣麻制  
丞相瞻天進表文  
夙退自欣還自笑  
素餐便當策殊勲

紫宸殿拜表賀雪

稍緩鳴靴不住催一聲再拜忽如雷封章進了儀曹退  
文武班齊上相來白髮兩年陪賀雪紫衣數輩小傳杯  
賜休退食端何限未到西湖探早梅

立春後一日和張功父園梅未花之韻

前夕三更月落時東風已動萬花知江梅端合先交割  
春色如何未探支只欠梁溪水柱句追還和暗暗香詩  
張家剩有蔥根指不把瓊酥滴一枝

人日出遊湖上

去時數點雨歸時數片雪  
雨雪兩不多山路雙清絕  
城中雪一尺山中雪一丈  
地上都已消却在松梢上  
去歲遊春屐苔痕故可尋  
人家隨岸遠塙影落湖深

寄題劉成功錦里

嘉林市中虛一丈嘉林寺後竹千竿  
先君授徒竹窻底我初識君俱少年  
同師同舍同筆硯火冷燈青飛雪片  
春風一夜吹林花南北飄零各星散  
我今頭白苦思歸羨君山園芋栗肥  
為君題作小錦里君應一笑巾墮几



讀淵明詩

少年喜讀書晚悔昔草草  
迄今得書味又恨身已老  
淵明非生面穉歲昔已早  
極知人更賢未契詩獨好  
塵中談久睽暇處目偶到  
故交了無改乃似未見寶  
貌同覺神異舊翫出新妙  
凋空那有痕滅跡不須埽  
腹腴八珍初天巧萬象表  
向來心獨苦膚見欲幽討  
寄謝穎濱翁何謂淡且稿

送姜夔克章謁石湖先生

釣橫英氣橫白蜺歎唾珠玉皆新詩江山愁訴鶯為泣  
鬼神露索天洩機彭蠡波心弄明月詩星入腸肺肝裂  
吐作春風百種花吹散瀕湖數峰雪青鞋布襪軟紅塵  
千詩只博一字貧吾友夷陵蕭太守逢人說項不離口  
袖詩束來謁老夫慙無高價當璠璣翻然却買松江艇  
徑去蘇州參石湖

林景思寄贈五言以長句謝之

華亭沈虞卿惠山尤延之每見無雜語只說林景思試

問景思有何好佳句驚人絕倒句句飛從月外來可  
羞王公薦穹昊若人乘雲駕天風秋衣剪菊裁芙蓉暮  
宿銀漢朝蓬宮我欲從之東海東西湖柳色二三月相  
逢一笑冠纓絕醉招和靖叫東坡一吸西湖湖水竭我  
醉自眠君自顛路人往往指作仙此輩何曾識此樂識  
與不識俱可憐別時花開今已落思君令人瘦如鶴夢  
裏隨君攜酒瓢同登天台度石橋瀑布界天瀉雲窟長  
松拔地攬煙霄與君聯句章未了帝城鍾動西峰曉海

風吹墮珊瑚枝乃是先生寄我詩  
火雲燒江江水沸君詩清涼過於水  
定知來是雲巢底恍然坐我天台寺

寄題劉凝之墳山壯節亭用轆轤體

見了廬山想此賢此賢見了失廬山  
胸中書卷雲凌亂身外功名夢等閒  
一點目光牛背上五絃心在雁行間  
欲吟壯節題崖石筆挾風霜齒頰寒

賀皇太子九月四日生辰

典學光陰璧不如簡編燈火卷還舒  
極知儲后勤稽古

却是儒生懶讀書心到帝王圖籍外手追雅頌國風初  
人間未見瑤山集十倍曹丕尚有餘

和袁起巖郎中投贈七字

故人一別兩相思不但平生痛飲師曾次五三真事業  
筆端四六更歌詩閉門覓句今無已刻意傷春古收之  
卧雪高人家譜在春風政著紫蘭枝

宋詩鈔卷七十五

欽定四庫全書

集部

宋詩鈔卷七十八至

詳校官中書臣賈鏐

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷七十六

內閣中書舍人吳之振編

楊萬里江西道院集鈔

戊申四月九日得請補外初出國門宿釋迦寺

出却金宮入梵宮翠微綠霧染衣濃三年不識西湖月  
一夜初聞南澗鐘藏室逢山真昨戲園翁溪友得今從  
若非朝士相追送何處冥鴻更有踪

明發南屏

新晴在在野花香過雨迢迢沙路長  
兩度立朝今結局  
一生行客老還鄉猶嫌數騎傳書札  
剩喜千山入肺腸  
到得前頭上船處莫將白髮照滄浪

過南蕩

秧纔束髮幼相依麥已掀髯喜可知  
笑殺槿籬能耐事  
東扶西倒野醪醺

近岫遙峰翠作圍平田小港碧行遲  
垂楊一徑深深去



阿那人家住得奇

過楊村

石橋兩畔好人煙  
西似諸村別一川  
楊柳陰中新酒店  
葡萄架底小漁船  
紅紅白白花臨水  
碧碧黃黃麥際天  
政爾清和還在道  
為誰辛苦不歸田

側溪解纜

夢裏喧聲定不凡  
順風解纜破晴嵐  
起來職事惟洗面  
此外功名是挂帆  
莫笑一蔬蕪半菽  
飽食萬壑與千巖

蓬萊雲氣君休望且向嚴灘濯布衫

舟過桐廬

瀟灑桐廬縣寒江繚一灣朱樓隔綠柳白塔映青山稚子排牕出舟人買菜還峰頭好亭子不得一躋攀

近縣人人喜來船岸岸移偶因小泊處恰是早食時喚僕答相亂看山寒不知橫洲猶半在今歲水生遲

後面山無數南頭柳更多人家逼江岸屋柱入滄波老去頻經此重來更幾何牛山動悲感曾侍板輿過

溜港灘

此去嚴州只半程一江分作兩江橫  
忽驚洲背青山下却有棧橋地上行

蘭溪女兒浦曉寒

前年寒早熱亦早去年寒遲熱亦遲  
何曾寒暑有遲速通融三年那兌支  
人生何必早得意芍藥榮時牡丹瘁  
榮枯遲速一笑休順風今日好行舟

嘲穉子

雨裏船中不自由無愁穉子亦成愁看渠坐睡何曾醒  
及至教眠却掉頭

柴步灘

江濶水不聚分為三五灘遂令客子舟上灘一一難小  
沙已成洲大沙已成山山有樹百尺樹圍屋數間水底  
復生洲沙濕猶未乾從此洲愈多安得水更寬憶從嚴  
陵歸水落不能湍拖以數童僕折却十竹竿今茲過吾  
舟念昔猶膽寒

東噴灘

江船初上灘灘水政勃怒船工與水鬪水力攔船住琉璃忽破碎冰雪併吞吐竟令水柔伏低頭船底去朝來發盈川已過灘十許但聞浪喧闐未覩水態度却緣看後船偶爾見奇處從此至三衢猶有灘四五

將至地黃灘

未到地黃灘十里先聞聲檣竿已震掉未敢與渠爭舟人各整篙有如大敵臨塞蓬試一望濺雪紛淙瑋乃是

水碓港為灘作先鳴真灘定若何老夫虛作驚

蘇木灘

灘雪清濺眸灘雷怒醒耳落洪翠壁立跳波碧山起船  
進若戰勝船退亦遊戲若非篙師苦進退皆可喜忽逢  
下灘舟掀舞快雲駛何曾費一棹纔瞬已數里會有上  
灘時得意君勿恃

遼車灘

東岸上不得西岸上更難五船往復來經緯灘兩間一

船初徑進當流為衆先  
濤頭打澎湃退縮不敢干  
一船作後殿忽焉突而前  
瞬息越湍險回顧有矜顏  
老夫與寓目亦為一粲然

過查灘

眼底常山一武中  
上灘更得半船風  
青天以水為銅鏡  
白鷺前身是釣翁  
舊日岸頭渾改盡  
數尖山觜忽攬空  
老夫只費五六日  
行盡浙山西復東

過鉛山江口

金匱要略卷之六  
下却諸灘水漸平舟行已遠上饒城酒家便有江鄉景  
綠柳梢頭挂玉瓶

初二日苦熱

人言長江無六月我言六月無長江只今五月已如許  
六月更來何可當船倉周圍各五尺且道此中底寬窄  
上下東西與南北一面是水五面日日光煮水復成湯  
此外何處能清涼掀篷更無風半點揮扇只有汗如漿  
吾曹避暑自無處飛蠅投吾求避暑吾不解飛且此住



飛蠅解飛不飛去

秋感

昨扇猶午攜今裳覺晨單起來且復卧未敢窺柴關不  
覺病至此為復老使然平生性剛燥畏熱長喜寒念昔  
忝鄉賦踐雪詣春官布褐皆不續芒鞋繭且穿長亭夜  
濯足吹燈呻故編買酒破孤悶浩歌殷屋椽何曾悲廩  
秋山稜聳矐肩秋風吹我髓秋露滴我肝我欲與秋敵  
秋先令我酸歎息復歎息誰是長少年

盥漱已云畢危坐正冠衣覽鏡忽見我不識我為誰自  
倚身尚強不悟年已衰舉頭視嘉木向人慘無姿我欲  
訴渠老渠乃懷秋悲木悲不解飲瑟瑟聲怨咨我且呼  
麴生細細斟酌之我醉不知我更知春秋為

憤照趣夕黯孤燈啓宵明老夫倦欲睡似醉復如醒寸  
心無寸恨但如江海清秋蛩何為者四面作怨聲淒惻  
竟未已抑揚殊不平切切百千語通通三四更繞砌尋  
不得靜坐復爭鳴有口汝自苦我醉不汝聽

秋曉寒何忍秋夕永難度青燈照書冊兩眼如隔霧拚  
卷却孤坐塊然與誰語倒卧卧不得起行行無處屋角  
忽生明山月到庭戶似憐幽獨人深夜約清晤我吟月  
解聽月轉我亦步何必更讀書且與月聯句

平生畏長夏一念願清秋如何遇秋至不喜却成愁書  
冊秋可讀詩句秋可搜永夜宜痛飲曠野宜遠遊江南  
萬山川一夕八寸眸請辨雙行纏何處無一丘

明發五峰寺

歸時路何近去時路何遠山路無短長人心有往返每  
因赴官期一出謁鄉縣若非人事牽無奈老身懶初心  
作此行夜雨醒醉眼孤愁念羣騶尺泥滑雙趺首塗天  
全濕回轍雲半捲投寺借松牀呼僧同野飯頽然挂眠  
足得此行役倦暫勞新不堪遐征舊所歎松菊豈不懷  
樊籠何時免瘦藤要覓閒到了古道院

初八筠州界高岡鋪

千尺霜松夾道周國初涼繖至今留筠州舊是朝天路

六十年來行信州

路人號夾道松  
松為涼繖樹

和尤延之見戲觸藩之韻以寄

儂愛山行君水遊尊前風味獨宜秋  
文戈却日玉無價

罷寶羅胃金欲流欬唾清圓談者詘  
詩章精悍古人羞

子房莫笑身三尺會看功成自擇留

延之戲誠齋為羊  
誠齋戲延之為蟬

蝸詩所云云  
謂蟬蝸也

讀退之李花詩

桃李歲歲同時並開而退之有花不見挑  
惟見李之

句殊不可解因晚登碧落堂望隔江桃皆暗而李獨  
明乃悟其妙蓋炫晝縞夜云

近紅暮看失燕脂遠白宵明雪色奇花不見桃惟見李  
一生不曉退之詩

郡圃曉步因登披仙閣

昨來風日較暄些破曉來遊特地佳也自低頭花下過  
依前撞落一頭花

李花半落雪成堆末後桃花陸續開白錦地衣紅錦帳

侵晨供張等儂來

初夏玉井亭晚立

冶蕊倡花一雨空  
鮮晴新漲未虧儂  
竹蕙樹影眠天底  
人凭欄干立鏡中  
看盡水衣投北岸  
方知今日是南風  
黃鸝對語無尋處  
忽見雙飛入別叢

筠庵

故老談李仙  
昔日上寥廓  
隨身無長物  
止跨一隻鶴  
本非胎生古  
卵尚遺壳  
千古石似堅  
覆在鳳山脚  
寒宵

晦風雨神光照岩壑犬噪雞夜鳴龍泣人寢愕祗今筠  
菴是因物非蠅削當時拖破處作門不闕鑰蓋以一把  
茅聊以護霜電遐瞻如釣翁蓑衣逐層著我來驗幽討  
尚疑俗諺譌霧中披羽衣砌下脫芒屨入戶環仰觀中  
空生響諾不見朱頂雛猶存雪色膜松梢雙老鸛戛然  
下簷角老夫忽心驚不敢小盤礴

新暑追涼

去歲衝炎橫大江今年度暑卧筠陽滿園無數好亭子



一夏不知何許涼  
待得老夫親勘當  
更招幽鳥細商量  
朝慵午倦誰相伴  
貓枕桃笙苦竹牀

碧落堂暮景轆轤體

碧落堂中夕眺餘  
一聲角裏裂晴虛  
滿城煙靄忽然合  
隔水人家恰似無  
坐看荷山沉半脊  
急歸道院了殘書  
意行花底尋燈處  
失脚偏嗔小吏扶

雨過郡圃行散

劍池一日百週遭  
雨後閒來照髻毛  
主管園林鶯稱意

卷七十六  
巡行荷芰驚宣勞不須見我還飛去便與移文告汝曹  
一事惱人無問處南山高是北山高

碧落堂晚望荷山

荷山非不高城裏自不見一登碧落堂山色正對面如  
人卧平地躍起立天半指揮出伏兵萬騎橫隔岸後來  
來未已前驅瞻已遠晨光到岩壑人物俱舊綯綠屏紛  
開閣翠旗閃舒卷安得垂天虹橋虛度雲巘老鈴偶報  
事郡庭集賓贊

贊政化  
行也

忽忽換山巾默默下林坂

午憩筠菴

筠菴偶坐處適當樹闕間遠山不見我而我見遠山清  
風隔江來宛轉入松闌翠蕉自搖扇白羽得暫閒可憐  
三竹牀睡偏復循環秋暑自秋暑山寒自山寒小啗聊  
適意好惡不必刪

答陸務觀道院佛祖之戲

老禪分得破叢林薄供微齋也不曾道院勑差權院事  
筠菴身是住菴僧人間赤日方如火松下清風獨似冰

金史卷之六十六  
卷七十六  
別有暮春沂水在為君一滴洒千燈

延之寄詩覓道院集遣騎送呈和韻謝之

與君髣髴總星星詩句輸君老更成別去多時頻夢見  
夜來一雨又秋生故人金石情猶在贈我瓊琚雪似清  
誰把尤揚語同日不教李杜獨齊名

祇召還京題江西道院

病身祇要早投閒乞得高安政小安山水秋來渾是畫  
樓臺高處日生寒登臨未足還辭去老大重來畢竟難

碧落翠微好將息清風明月夢中看

郡圃鳳山佳處有  
碧落堂翠微臺

問途有日戲題郡圃

今朝郡圃放遊人懊惱遊人作撻春到得老夫來散策  
亂吹花片總成塵商量歲後老闌鎖拘管風光屬病身  
造物嗔儂先遣去遣儂儂去不須嗔

留題筠菴以菴室用茅蓋層出如蓑衣然

茂林修竹翠光中那得披蓑一老翁白石砌成珠子徑  
黃茅裹脚水晶宮夏涼冬暖非人境雪打霜封即釣篷

老子明朝便東去更攜瓦枕享松風

明發道經生米市隨喜西林寺留題進退格

貪睡能無起挑燈強未殘春深忙野店月色淡柴門又  
踏黃塵路前追紅葉村秋衣那敢薄病骨自難溫

羲娥謠

中秋夜宿辟邪市詰朝早起曉星已上日欲出而月  
未落光景萬變蓋天下奇觀也作羲娥謠以記之  
羲和夢破欲起行紫金畢逋啼一聲聲從天上落人世

千村萬落雞爭鳴素娥西征未歸去簌弄銀盤浣風露  
一丸玉彈東飛來打落桂枝雪毛兔誰將紅錦幕半天  
赤光絳氣貫山川須臾却駕丹砂轂推上寒空輾蒼玉  
一本此下有雲漢  
昭回光滿天句誤詩翁已行十里強羲和早起道無雙

小憇上坊鎮新店進退格

下轎行新店排門得小軒中間一棐几相對兩滿團椽  
竹青留節簷茅白帶根明窓有遺恨接處紙痕斑

題十里塘夜景

物色當秋半登臨更夜闌山光倒眠水水影上搖山宿  
鷺都飛去漁人獨未還老夫與明月分割一清灣

過土窰岡

水落初宜菜亭荒不復茅牛分叉路口鶴立禿松梢秋  
熱方昇日朝涼更迥郊衰年走塵鞅何計返雲巢

入玉山七里頭

諸村不雨數旬餘此地瀕江萬寶蘇晚紫頭花總初角  
早黃稻穗已長須回頭金步野蹊遠當面玉山秋塢孤



偶見年時解船處客愁依舊挂菰蒲

筠洪小路至餘干  
金步市初出官給

路

### 宿查潁

寒流一帶檻前橫落日諸峰霞外明  
水斷新洲添五里客尋舊路却重行  
江車自轉非人踏沙碓長春徹夜鳴  
疇昔穉桑今禿樹如何白髮不教生

### 晨炊泊楊村

沙步未多遠里名還異原對江穿野店  
各路入深村秋

水乘新汲春芽煮不渾舟中爭上岸竹裏有清樽

九月一日夜宿盈川市

下灘一日抵三程到得盈川也發更兩岸漁樵稍燈火  
滿江風露更波聲病身只合山間老半世長懷客裏情  
西畔天星如玉李伴人不睡向人明

下黃山灘望金華山

篙師只管信船流不作前灘水石謀却被驚湍旋三轉  
倒將船尾作船頭

山思江情不負伊  
雨姿晴態總成奇  
開門覓句非詩法  
只是征行自有詩

出橫山江口

白壁當江岸  
青旗定酒家  
斷崖侵屋窄  
細路入門斜  
縣近瞻雙塔  
洲橫隔一沙  
何須後來客  
始信此詩嘉

過橫山塢下

隔岸山迎我  
沿江柳拜人  
日搖秋水面  
波閃白龍鱗  
不遣船迷路  
俱從塢問津  
一生將玉鏡  
千古照金身

過鳥石大小二浪灘俗呼為郎因戲作竹枝歌二

首

灘聲十里響千輦躍雪跳霜入眼奇記得年時上灘苦  
如今也有下灘時

小郎灘下大郎灘伯仲分司水府關誰為行媒教作贅  
小姑山與大姑山

晚過側溪山下

看山妙處幾曾知落照斜明始覺奇皺盡衣裳紋欲裂

爭先頭角遠相追松梢別放六峰出江底倒將千嶂垂  
一路詩篇渾漫興側溪端的不相虧

夜宿東渚放歌

看山須看山表裏不然看山還誤事平時只愛萬峰青  
落日惟存數尖紫浙江船上多少人往來看山誰識真  
丁寧舟人莫浪語却恐兒輩不肯去

跋徐公仲省翰近詩

傳派傳宗我替羞作家各自一風流黃陳籬下安安脚

陶謝行前更出頭

自跋江西道院集戲答客問

問我來朝南內南便從花底趨朝叅新詩猶作江西集

為帶筠州刺史銜

時召命筠州守臣奏事

舟中新暑止酒

新暑酒不宜作熱妨夜睡不如看人飲亦自有醉意彼  
飲吾為嚙所美過於味同舟笑吾癡吾不羨渠醉安知

醉與醒誰似誰不似

一作是

過弋陽觀競渡

急鼓繁鉦動地呼  
碧琉璃上兩龍趨  
一聲翻倒馮夷國  
千載淒涼楚大夫  
銀腕錦標夸勝捷  
畫橈繡臂照江湖  
三年端午真虛過  
奇觀初逢慰道塗

五月一日過貴溪舟中苦熱

半月陰涼天氣佳  
今朝新暑不饒些  
一生怕熱長逢熱  
千里還家未到家  
入却舩來那得出  
恰方日午幾時斜  
勸君莫愛高官職  
行路難時却怨嗟

端午前一日阻風鄱陽湖觀競渡

惡風夜半阻歸船，端欲留人作勝緣。  
千里攜家觀競渡，五湖新漲政黏天。  
掉翻波浪山如雪，醉殺兒郎喜欲顛。  
得去更佳留亦好，吾曹何處不忻然。

送吉州太守朱子淵造朝

公在鄉邦我在京，有書終不慰生平。  
西歸一見還傾盖，夜坐相看話短檠。  
老去可堪頻送客，古來作惡是離情。  
雲涯隔斷從今始，肯倩征鴻訪死生。



郡圃上巳

尋春不見只思還却在萊仙小嶮間映出一川桃李好  
只消外面矮青山

披仙閣上觀酴醾

仰架遙看時見些登樓下瞰脫然佳酴醾蝴蝶渾無辨  
飛去方知不是花

酴醾約我早來看及至來看花已殘動地寒風君莫怯  
亂吹香雪灑闌干

塹荷池水

雨中來看塹池塘自與畦丁細校量更放水痕高幾許  
浮荷猶剩若干長

筠菴午憩

筠菴稍不至一至一回好風從林梢落吹亂竹根草巾  
屨上下涼鶯鵲左右噪市聲元不近靜聽遠亦到石磴  
坐來溫蘚徑淨如掃書空作愁字已忘偏旁了猶自忘  
了愁而況記得老客來談世事欲笑還嬾笑

玉井亭觀荷

藻仙初出波照日  
穉猶怯密排碧羅  
蓋低護紅玉頰  
館之水精宮環以  
琉璃堞珠明浮盤  
戲酒漾流杯曄青  
筆尖欲試綠牋皺  
還摺老龜大於錢  
辛勤上團葉忽聞  
人履聲入水一何  
捷

後圃散策

花徑雨後涼樹聲  
風外戰杖履頓輕  
松兒女同行散少  
者前已失老者後  
已倦隔林吹笑語  
相問如對面明明

去人近眇眇彌步遠松杉滿地影一瞬忽不見仰觀紫  
日輪偶度白雲片佳處留再來前山未須徧

觀迎神小兒社

花帽銖來重綃裳水樣秋強行終較嬾妍唱却成羞鸚  
鵡栖蔥指芙蓉載錦舟休看小兒社只益老人愁

新秋晚酌

胡床東鄉坐秋風忽淒其老夫衰病骨急令開東扉西  
扉亦半掩壓風作東吹何必風及我風入涼自馳晚蟬

是誰說我飲渠便知飛從何方來徑集庭樹枝三嘆復  
九詠話盡新秋悲我老悲已忘汝語復為誰老鳥啼一  
聲不知蟬所之

題碧落堂

仙人白日上青冥千載如聞月下笙南北萬山俱在下  
中間一水獨穿城江西箇是絕奇處天下幾多虛得名  
滕閣孤臺非不好祇緣猶帶市朝聲

羅溪望夫嶺

小溪村店問嶺名云望夫七娘歲旱禱雨必應  
藁砧不寄大刀頭化作峰頭石也愁豈有心情管風雨  
向人彈淚繞天流

羅溪道中

每歲秋猶熱今年閏故涼松篁青有數山遠碧無常陣  
陣金風細家家玉粒香祇言官路短堠子暗添長

秋山

烏臼平生老染工錯將鐵皐作猩紅小楓一夜偷天酒

却倩孤松揜醉容

觀水嘆二首

我方卧舟中仰讀淵明詩忽聞灘聲急起視惟恐遲八  
月濺飛雪清覽良獨竒好風從天來脩然吹我衣涼生  
固足樂氣變亦可悲眷然慨此水念我年少時迄今四  
十年往來幾東西此日順流下何日沂流歸出處未可  
必一笑姑置之

亂石厄江水要使水無路不知石愈密激得水彌怒回

鋒打別港勇往遮不住我舟歷諸灘閱盡水態度一聞  
一喜觀屢顧屢驚顧不是見不多觀覽不足故舟人笑  
我癡癡點未易語

舟過柴步寺

野寺隔疎樾遠舟見深殿獨逕通絕崖長縈度微線曩  
遊攜童弱攀岸已震眩前瞻足未到下窺意先轉朝來  
經雲根塵思起清羨野夫三二輩走過疾於箭俛仰二  
十年今老懷昔健



宿蘭溪水驛前三首

繫纜蘭溪岸開襟柳驛牕人爭趨夜市月是落秋江燈  
火疎還密帆檣隻更雙平生經此縣今夕駐孤幢

合眼波吹枕開篷月入船奇哉一江水寫此二更天剩  
欲酣清賞翻愁敗醉眠今宵懷昨夕雨卧萬峰前

水色秋逾白光山夜不青一眉畫天月萬粟種江星小  
酌居然醉當風不覺醒誰家教兒子清誦隔疎櫺

過白沙竹枝歌

東沿西泝浙江津去去來來暮復晨  
上岸牽檣推楫子  
隔船招手認鄉人

宋詩鈔卷七十六